



In dumënia ai 19 de Má éi gnü sughé la otava partida dl ritorno dl campionat 2012/2013 de 3° categoria por La Val. La partida é gnüda sugada fora de cíasa cuntra la squadra da Percha.

La squadra da La Val à messü afrontè la trasferta a Percha cun 11 sogadus arcumpedà y inçe l'alenadù é scualifiché. Mo impò ess la squadra albü la poscibilitè da se portè a cíasa almanco n punt, le resultat de 3 a 1 ne corespogn nia al andamënt dla partida, cun le Percha ch'à seigné dui goi ti ultimi menüc coion la squadra da La Val sbilanciada inant dui iadi en cuntrapé.

Le prüm tēp è stè scialdi ecuibré, cun i pustri che à la prüma ocajiun mo Sepl è bun da parè sön n atacant rové su dan da vël. La Val respogn cun na trata dal limit de Ivan deviada al ultim momënt te ciantun da n difensur. Romeo röia spo su cuntra porta mo al tira de püch dlungia ia. L'ultima ocajiun é di pustri che atoca la stangia de porta.

Ti secundo tēp sozedel spo deplü. La prüma ocajiun é por la squadra da La Val cun na conclujiun de Franzi che vëgn deviada te ciantun dal portier. Do na cherdora passa i pustri en vantaje: sön n cross é n atacant bel su dan porta é sëgna cun na conclujiun de cé. Le Percha resta spo en 10 por l'espulsiun de n sogadù do la secunda cherta ghela. La squadra da La Val à spo na gran ocajiun por parejé sön na trata dai ünescmetri conzedüda por n fal de man t'area, mo le portier para la conclujiun de Michi. Do na mesora ciafa la squadra ladina le secundo penalty (por n fal te area sön Alex), chësc iade prô Ivan da trasformè y al sëgna le gol dla parité. Sëgn pro la squadra da La Val da davagné la partida cun n sogadú implü y se sbilanciëia massa dant. Sön döes aziuns de cuntrapé sëgna le Percha dui goi che ti assigurëia la devënta dla partida. Ti menüc de recuper atoca ciamò Stefan la stangia de porta.

Cun chësc punt davagné, resta La Val al 7° post.

Proscima partida é in dumënia cuntra Olang a La Vale, dales 16:00.

La formaziun titolara: La Val: 1. Sepl Kantioler, 2. Elmar Valentin, 3. Alex Alton, 4. Paolo Vallazza, 5. Marco Castlunger, 6. Franzi Verginer, 7. Stefan Sottara, 8. Ivan Tschaffert, 9. Alexander Miribung, 10. Michi Frenes, 11. Romeo Rubatscher.

Por udëi i atri resultač (ince di atri campionač ulache sogadusc da La Val süga para)
drüca: [resultač](#)